

J.U.Dom zdravlja Foča-Ustikolina
Omladiniska bb
73250 Ustikolina
UPRAVNI ODBOR

Na osnovu člana 66. Zakona o zdravstvenoj zaštiti („Službene novine Federacije BiH“, broj 46/10 i 75/13), člana 29. Statuta Javne ustanove Dom zdravlja Foča-Ustikolina, broj: 05-50-501-10/13, od 11.12.2013. godine i Odluke Upravnog odbora J.U. Dom zdravlja Foča-Ustikolina, broj: 04-5-1/22 od 05.01.2022. godine, Upravni odbor J.U. Dom zdravlja Foča-Ustikolina, raspisuje:

JAVNI OGLAS
za izbor i imenovanje direktora Javne ustanove Dom zdravlja Foča-Ustikolina

Objavljuje se Javni oglas za izbor i imenovanje direktora Javne ustanove Dom zdravlja Foča-Ustikolina.

I - Opis poslova direktora

Direktor Javne ustanove Dom zdravlja Foča-Ustikolina obavlja poslove utvrđene zakonom, Statutom i općim aktima J.U. Dom zdravlja.

II - Uslovi za imenovanje direktora

Kandidati za izbor i imenovanje na poziciju direktora Javne ustanove Dom zdravlja Foča-Ustikolina treba da ispunjavaju sljedeće opće i posebne uslove:

1) Opći uslovi

- da su državljani Bosne i Hercegovine,
- da su stariji od 18 godina,
- da imaju opću zdravstvenu sposobnost za obavljanje navedene pozicije,
- da nisu otpušteni iz državne službe kao rezultat disciplinske mjere na bilo kojem nivou u BiH, u periodu od tri godine prije dana objavljivanja upražnjene pozicije,
- da se na njih ne odnosi član IX 1. Ustava Bosne i Hercegovine,
- da se protiv njih ne vodi krivični postupak,
- da nisu angažovani na drugoj poziciji koja može uticati na eventualni sukob interesa,
- da im pravosnažnom presudom nadležnog suda nije izrečena mjera zabrane rukovođenja ustanovom ili drugim pravnim licem.

2) Posebni uslovi

- da imaju završen medicinski ili stomatološki fakultet,
- da imaju najmanje 5 (pet) godina radnog iskustva u struci,
- da imaju znanje o zdravstvenom menadžmentu,
- da posjeduju organizacione sposobnosti.

III - Dokumentacija koju su kandidati dužni priložiti uz prijavu

Uz prijavu na Javni oglas kandidati su dužni priložiti sljedeću dokumentaciju (original ili ovjerenu fotokopiju) kao dokaz o ispunjavanju općih i posebnih uslova iz Javnog oglasa, i to:

1. biografiju sa adresom stanovanja i kontakt telefonom,
2. uvjerenje o državljanstvu,
3. izvod iz matične knjige rođenih,
4. ovjerenu izjavu kandidata da nije otpušten iz državne službe kao rezultat disciplinske mjere na bilo kojem nivou u BiH, u periodu od tri godine prije dana objavljivanja upražnjene pozicije,

5. ovjerenu izjavu kandidata da se na njega ne odnosi član IX 1. Ustava Bosne i Hercegovine,
6. uvjerenje nadležnog suda da se protiv njega ne vodi krivični postupak (ne starije od 3 mjeseca),
7. ovjerenu izjavu kandidata da nije angažovan na drugoj poziciji koja može uticati na eventualni sukob interesa,
8. ovjerenu izjavu kandidata da mu pravosnažnom presudom nadležnog suda nije izrečena mjera zabrane rukovođenja ustanovom ili drugim pravnim licem,
9. dokaz o završenom medicinskom ili stomatološkom fakultetu,
10. dokaz o radnom iskustvu u struci,
11. dokaz o obavljenoj edukaciji iz zdravstvenog menadžmenta.

Dokaz o posjedovanju organizacionih sposobnosti kandidat opisuje u svojoj biografiji, a dokaz (uvjerenje) o općoj zdravstvenoj sposobnosti za obavljanje navedene pozicije (ne starije od 3 mjeseca) kandidat dostavlja naknadno.

IV - Vrijeme na koje se vrši imenovanje

Imenovanje direktora Javne ustanove Dom zdravlja Foča-Ustikolina vrši se na mandatni period od 4 (četiri) godine.

V - Rok za podnošenje prijave kandidata

Prijave na Javni oglas sa dokazima o ispunjavanju općih i posebnih uslova iz Javnog oglasa dostavljaju se u zatvorenoj koverti lično ili preporučeno putem pošte na adresu: **Javna ustanova Dom zdravlja Foča-Ustikolina – Upravni odbor, ul. Omladinska bb, 73250 Ustikolina, sa naznakom: „Prijava na Javni oglas za izbor i imenovanje direktora J.U. Dom zdravlja Foča-Ustikolina - ne otvaraj“.**

Javni oglas ostaje otvoren 15 dana od dana objavljivanja u dnevnom listu Oslobođenje. Nepotpune i neblagovremene prijave neće se uzeti u razmatranje. Sa kandidatima koji budu ispunjavali sve uslove iz Javnog oglasa bit će obavljen intervju.

VI - Način i rok obavještanja kandidata o rezultatima Javnog oglasa

Svi kandidati bit će obaviješteni o rezultatima Javnog oglasa u roku od 8 dana od dana donošenja odluke o imenovanju direktora Javne ustanove Dom zdravlja Foča-Ustikolina.

Nakon završene procedure izbora i imenovanja direktora, prijave i dokumentacija neće se vraćati kandidatima koji su aplicirali na Javni oglas.

**UPRAVNI ODBOR
J.U. DOM ZDRAVLJA FOČA-USTIKOLINA**